

nos, e los otros derechos, e cobrarlos, como de primero los auian. E que ningun tiempo non pasasse contra ellos, por fazerles poder su derecho. E esto se entiende de los Señoríos mayores (3), porque non menguassen, nin se desfiziessen del todo. Mas de los menores, si despues que los ouiessem cobrado aquellos cuyos deuen ser, fasta quatro años, non quiessem demandar los derechos que perteneciesen a aquellos sus logares, puedenlos perder por tiempo; fueras ende, si aquel que lo ouiesse a demandar non fuesse de edad, ca este en quanto non lo fuesse, e aun despues fasta en quatro años, en saluo finca su derecho, para demandarlo si quisiere. E esso mismo dezimos si alguna Cibdad, o Villa, o otro Logar, que fuesse perdido e cobrado, assi como diximos, quisieren demandar sus terminos, o sus derechos, fasta quatro años (4), e su Señor non gelo consintiesse: ca mientras el Señor non quisiesse, non lo puede fazer, nin correria tiempo contra ellos, pues que por fuerza de mandamiento lo ouiessem dexado. Mas despues, quando al Señor ploguiesse, bien lo podrian demandar.

LEX X. — Imperium vel regnum ab hostibus occupatum, si ad priorem dominum revertatur, recuperat jura sua, et ad ea potest agere, quauquam temporis prescriptione non obstante: si tamen sint minora dominia, et post recuperationem intra quadriennium eorum jura non petantur, obstat prescriptio; nisi et in petente adsit minor ætas, cui quadriennium non curret, nisi finita minori ætate: et si civitas, vel castrum, seu locus alius recuperetur ab hostibus, petere poterit terminos, et jura sua intra dictum quadriennium; et si ex domini jussu non possit petere, etiam postea petet, beneplacito domini accedente. Hoc dicit.

(1) Imperios. Vide l. si captiuus, §. verum est, capulsis, ff. de captiuo. et limita istam legem, ut in l. fin. tit. 18. supra, ead Partit.
(2) Por derecho. Vide l. cum loca, ff. de relig. et sumpt. funer. et que habentur in cap. pastoralis, 7. quæst. 1. et per Innoc. in cap. cum ex injuncto, de novi oper. nunciat. et quod Bald. dicit in princ. ff. vet. column. 2.

(3) Señoríos mayores. Veluti ducatus, comitatus, et marchionatus, ut in §. præterea ducatus, de prohib. feud. alien. per Frederic. et fuit hoc statutum in honorem imperii, ut principatus, qui sub ipso sunt, integri perseuerent, Joan. Angel. in cap. licet, de voto. Quid autem de ecclesia, et populo lapsio in hæresim vel schisma, an si postea redeat ad ecclesiæ unitatem, recuperet jura sua, vide in cap. inter quatuor, de major. et obed. ubi Abb. et Joan. de Imo. post Innoc. et approbat hæc lex dictum Hostien. in cap. super eo, de paroch. qui allegat in argumentum l. agros, C. de fund. limitroph. lib. 11. et C. de offic. præfect. præf. Afric. l. in nomine Domini, ante med. et §. præterea ducatus, de prohib. feud. alien. per Frederic. et facit etiam benè cap. quicumque, et cap. licet in regulis, et cap. inter memoratos, 16. quæst. 5. videtur hic approbari opinio illorum qui in dict. cap. super eo, dicebant, habere ista locum in provinciis, et diocesisibus, et sic in majoribus, non in minoribus: et vide in ista materia per Gloss. et Doctor. in cap. quia indicante, de prescript. et Franc. Bald. in trac. prescript. fol. 61. col. 3. et facit l. comperit, C. de prescript. 50. vel 40. annor. et textus in authent. quomodo oport. Episc. §. fin. collat. 1. et quod per hæc dicit. Bald. in l. executorum, column. fin. C. de execut. rei judic. et vide in materia, quod habetur in cap. placuit, 16. quæst. 3. et in cap. 1. de prescript. et adde huic legi l. 8. tit. 20. 1. Part. et quæ ibi dixi.

(4) Fasta quatro años. Et adde l. 5. supra eod. et l. fin. in fin. C. de tempor. in integ. restit. et l. 1. ff. ex quib. caus. major.

LEY XI. — Que derecho han en los captiuos, aquellos que los fian, e pagan algo por ellos.

Sacando vn ome a otro de captiuo, maguer por el diesse cierta quantia de marauedis, o otra cosa de lo

suyo, non se ha por esso de seruir del, como de sieruo (1), mas puedelo tener guardado, como en manera de peños, en razon de aquello que por el pago; e el otro non deue salir de su poder, fasta que le faga pagamiento, o le sirua por ello cinco años a lo menos, en aquellas cosas que le mandare, que sean guisadas de fazer, segund qual ome fuere. E si por ventura, ante que se compliesse este seruicio, o le ouiesse fecho paga de aquello por que lo quitara, fuyesse de su poder; si despues lo fallassen, e pudiessen auerigar por carta, o por testigos, ante el Señor, o Juez de aquel logar, como lo tenia sacado de captiuo, e que le non siruiera, nin le pagara lo que por el auia dado; estonce aquel ante quien lo mostrasse, deuelo prender, y meter en poder de aquel que lo vino a demandar; e puede llevar las misiones, que ouiesse fechas en buscandolo, e seruirse del, o fazerle pagar, lo que ouiesse dado para quitarlo, assi como sobredicho es.

LEX XI. — Redimens captiuum non habet in eum jus seruitutis; potest tamen eum loco pignoris retinere, donec soluat pretium, quod pro redemptione dedit, aut per quinque annos sibi in licitis seruiat; et interim fugiens restituitur per iudicem cum expensis: sunt tamen quinque casus, in quibus neque pretium, neque dictum seruitium potest petere. Hoc dicit cum l. sequenti.

(1) Como de sieruo. Vide l. liber captus, et l. ab hostibus, la 1 et l. fin. C. de postlimin. reuers. et l. 3. tit. 12. 5. Part. et limita, ut in l. tit. sequent. l. 3. Et 7. casus, in quibus hic nexus pignoris dissolvitur, vide per Salic. in dict. l. ab hostibus, et vide l. 5. et quæ ibi dixi, tit. 15. 5. Partit.

LEY XII. — Por quales razones, los que sacan a otros de captiuo, non les deuen demandar lo que pagan ellos.

Ciertas razones mostraron los Sabios antiguos, porque ome que sacare a otro de captiuo, pagando algun precio por el, non gelo podrian despues demandar, nin seruirse del en ninguna manera. E estas son por cinco cosas. La primera, como si el que lo quitasse (1), lo fiziesse señaladamente por amor de Dios: ca este non deue auer otro gualardon, si non aquel. La segunda es, por razon de piedad, e viene por debdo de naturaleza; assi como quando el padre saca al fijo (2) de captiuo, o alguno de los otros que descien den del por la línea derecha, o el fijo al padre, o a la madre, o alguno de los otros que subiessem por ella. La tercera es, por razon de debdo de casamiento; assi como si vn ome, o muger, sacasse vno a otro de captiuo, e se casassen despues en vno; o si quitasse el marido a la muger. La quarta es, por razon de yerro, que nasce de maldad (3): e esto seria como si alguno sacasse muger de captiuo, e despues yoguiesse con ella, o consintiesse a otro de lo fazer. La quinta es, por razon que nasce de sospecha (4); e esto seria, como si lo quitasse alguno de captiuo, e non le demandasse en su vida, que le pagasse aquello que auia dado por el. E esto se entiende fasta vn año, despues que lo ouiesse pagado: ca si muriesse despues de aquel plazo, e el otro non gelo ouiesse ante demandado en juyzio, nin fuera del, e despues lo quisiesse demandar a sus herederos, non lo podria fazer, nin serian ellos tenidos de le responder por ello. Ca pues que ouo tiempo para demandarle

lo que auia pagado por el, e non quiso, bien se entiende, que fue su voluntad, de nunca gelo demandar.

LEX XII. — Summata est cum lege præcedenti.

(1) Lo quitasse. Vide l. si quis pro redemptione, C. de donation.

(2) Al fijo. Vide l. liber captus, C. eod.

(3) De maldad. Vide l. fedissima, C. eod.

(4) De sospecha. Vide l. si patre, D. eod.

TITULO XXX.

DE LOS ALFAQUEQUES, E DE LO QUE ESTOS HAN DE FAZER (a).

De los que cautivan, e de las sus cosas dellos, fablamos complidamente en el titulo ante deste. E agora queremos dezir en este de los Alfaqueques, que son trujamanes, e fieles, para pleytearlos, e sacarlos de captiuo. E mostraremos que quiere decir Alfaqueque. E que cosas deue auer en si aquel que escogieren para este oficio. E como deue ser escogido, e fecho. E quien lo puede fazer. E que cosas deuen fazer, e guardar los Alfaqueques. E que gualardon deuen auer, quando bien fizieren su oficio. E que pena, quando mal.

(a) Repetimos nuestra nota al proemio del titulo precedente.

TITULUS XXX.

LEY I. — Que quiere dezir Alfaqueques, e que cosas deuen auer estos en si.

Alfaqueques, tanto quiere decir en arauigo, como omes de buena verdad, que son puestos para sacar los captiuos. E estos, segun los Antiguos mostraron, deuen auer en si seys cosas. La una, que sean verdaderos; onde lleuan el nome. La segunda, sin cobdicia. La tercera, que sean sabidores, tambien del lenguaje de aquella tierra a que van, como del de la suya. La quarta, que non sean malquerientes. La quinta, que sean esforçados. La sexta, que ayan algo de lo suyo. Ca de la primera, que diximos que ayan en si verdad, esta es cosa que conuiene mucho a lo que ellos han de fazer: porque si verdaderos no fuessen, farian daño a amas las partes; tambien a la que quiere salir de captiuo, como al otro que lo tiene en su poder, porque cada uno esta sobre esperanza de verdad, que creen que aquellos traen. E si fueren sin cobdicia, cataran primeramente la pro de los captiuos, que la su ganancia. E si sabidores fueren de las lenguas, entenderan lo que dixeran amas las partes, e sabran responder a ello, e dezir otrosi a cada vno lo que conuiene. E malquerientes non deuen ser, ca si lo fuessen contra los captiuos, o a sus parientes, o a sus amigos, mucho ayna podria guisar, que los podrian matar o fazer sufrir grandes penas, o a lo menos yazer gran tiempo en prison. E esfuerzo conuiene otrosi que ayan, por no dubdar de yr a aquel logar, do quier que los captiuos sean; non recelando malos passos, ni peligros de mar, nin de tierra; e viniendoseles en miente, de todos los bienes que fazen, en sacar los omes de captiuo, assi como diximos en algunas leyes deste titulo. Algo conuiene otrosi que hayan de suso. Lo primero, porque ayan miedo de fazer mal; lo al, porque si lo

fiziessen, e se fuessen, que fallen aquellos que han de fazer la justicia, a que se tornen, para emendar los tuertos que los captiuos recibiessem, E sobre todas estas cosas que dichas son, conuiene que sean de buena piedad; ca si tales non fuessen, non podrian guardar su verdad, assi como de suso diximos.

LEY I. — Alfaqueque arabicè, latinè dicitur homo bonæ veritatis; isti deputantur ad redemptionem captiuorum, quos oportet esse veros, non cupidos; linguæ illius terræ peritos, benevolos et constantes, et aliquid in facultatibus, seu diuitiis habentes, et quod ex benè famata progenie descendant: etsi eligentur per Regem vel iudicem civitatis, ubi degunt, cum approbatione duodecim virorum juratorum; et electi jurabunt, quod erunt fideles in facto captiuorum, eorumque utilitatem procurabunt, damnumque vitabunt, et quod amore vel odio, neque pretio id facere desinent; et hoc facto, detur sibi publicum instrumentum sigillatum officii, et vexillum cum signo regio: et aliter officium istud exercens, seu aliter constituens, arbitrio Regis punietur. Hoc dicit cum lege sequenti.

LEY II. — Como deuen ser fechos, e escogidos los Alfaqueques, e que cosas deuen auer en si; e otrosi quien los puede fazer.

Escogidos mucho afinadamente deuen ser los Alfaqueques, pues tan piadosa obra han de fazer, como en sacar captiuos. E non tan solamente los deuen escoger, que ayan en si aquellas cosas que diximos en esta otra ley, mas ha menester que vengan de linaje bien famoso. E este escogimiento ha de ser por doze omes buenos, que tome el Rey, o aquel que estouiere en su lugar, o el Concejo do morassen aquellos que ouiessem de ser Alfaqueques. E estos han de ser sabidores del fecho de los otros, porque puedan dezir verdad sobre los Euangelios, o en mano del Rey, o del que fuere puesto en su logar; que aquellos que escogen para esto, han en si en todas las cosas que diximos en la ley ante desta. E despues que desta guisa fueren escogidos, deuen ellos otrosi jurar, que sean leales en fecho de los captiuos, allegando su pro, e arredrando su daño, quanto ellos pudieren. E que por amot, ni por mala querencia que ouiessem a alguno, non dexassen de fazer esto; nin por don que les diessen, nin les prometiessem de dar. E despues que esta jura ouiessem fecha, deueles el Rey otorgar, o el que estouiere en su logar, o los Mayoraes de aquel Concejo, do mora en, o donde los fizieren, que dende adelante sean Alfaqueques. E darles carta abierta, con sello de aquel que gelo otorgare, e pendon de señal del Rey, porque puedan yr seguramente, a lo que ouieren de fazer. E desta guisa deuen ser fechos los Alfaqueques. E quien de otra manera los fiziere, o ellos tomassen poder por si mismos para serlo, errarian grauemente, porque deuen auer pena segun el aluedrio del Rey, tambien el vno como el otro.

LEX II. — Summata est cum lege præcedenti.

LEY III. — Que cosas deuen guardar los Alfaqueques, despues que fueren fechos; e que gualardon denen auer, quando bien guardaren su oficio; e que pena deuen auer, quando mal lo fizieren.

Faziendo el Alfaqueque bien e derechamente su oficio, gana y amor de Dios, e de los omes. E porende deue guardar las cosas que aqui diremos. Primeramente, que lleue el pendon del Rey alçado, por do quier que

vaya, por honra del Señor que gelo dio, e porque sea conocido por qual tierra fuere. Otrosi, que vaya toda-
via por el camino mayor, e mas derecho, e non fuera
del; e que en el mismo aluergue si la noche non le to-
mare en poblado. Otrosi, quando entrare en Villa, o en
Castillo, tambien en tierra de los de su parte, como de
los enemigos que cate posada, en que puedan aluer-
gar en saluo, con todo lo que troxieren: porque si aquel
logar fuesse corrido, non gelo pudiesen ayna tomar,
porque los captiuos fuessen perdidosos de aquello con
que los ouiessem de quitar, e ellos en sospecha, porque
se perdiera por su culpa. E aun dezimos, que cada que
ouieren de yr a tierra de los enemigos, deuen fazer
carta, en que sea escrito todo lo que lieuan, e quanto
es, e cuyo. E deuenla sellar con sus sellos, e dexarla
en guarda del Judgador mayor del lugar; porque si
acaesciese que muriese alguno dellos, o lo robassen
en los caminos, que puedan saber ciertamente, quanto
es lo que lieuan, e cuyo. Otrosi deuen yr apercebidos,
que quando se encontrassen con caualgada de los de su
parte, que desuien del camino, los que ouieren sacado
de catiuo los que fueren de la Ley de sus enemigos. E
esto deuen fazer, porque aquellos enemigos que ellos
traen consigo, non puedan saber a qual parte va la ca-
ualgada, para apercibir a los suyos. E sin todo esto, se
deuen guardar, de non lleuar ningunas cosas de la vna
parte a la otra, como en manera de mercaderia, si non
tan solamente aquellas, que fueren para sacar los catiuos.
E mas cosas deuen aun guardar, que si algun Alfa-
queque sacasse de su grado catiuo que sea de su Ley,
o por auer, o por otra cosa que de por el, non señalando
plazo, a que pague, maguer el otro non lo pudiesse tan
ayna pagar, que le non tornen por esso a poder de los
enemigos, mas que lo atiendan, fasta que gelo pueda
dar. Pero esto se entien de, non lo faziendo maliciosamente
el que ouiesse sacado de catiuo, assi como teniendo
de que lo pagar, e non lo quisiessen fazer. Casi esto le
pudiesse ser prouado, estonce bien lo podria tomar, e
tornar al lugar (4) donde lo auia sacado: e esto mismo
dezimos del catiuo, que el Alfaqueque sacasse a dia cier-
to, podiendolo pagar, e non quissiese. Onde bien assi
como los Alfaqueques, que estas cosas guardassen,
assi como sobredicho es, deuen auer buen gualardon
por ello; otrosi los que assi non lo fiziessen, deuen
auer pena, segun que el fecho fuesse. E esto seria,
como si ellos fiziessen algun menoscabo en el auer de
los catiuos, que lo pechassen a tres doble; e si gelo fi-
ziessen recibir en los cuerpos, assi como de muerte,
o de lision, que otro tal ouiessem ellos en los suyos. E
esso mismo dezimos, que si maliciosamente alongassen
de los sacar de catiuo, otro tanto tiempo deuen ellos y
yacer presos, quanto fue el alongamiento, que ellos fi-
zieron a los catiuos. Otrosi dezimos, que quando los
Alfaqueques fueren buenos, faziendo lo que deuen
bien, e lealmente, que les deue dar buen gualardon el
Rey, o el Concejo de aquel lugar, donde vsassen deste
oficio. E demas de esto, deuen ser mucho honrrados,
e guardados, porque andan en obras de piedad, e en
pro comunal de todos.

LEX III.—Alfaqueque, seu redemptor captivorum feret vexillum
semper erectum, quocumque vadat, et per viam regalem et rectam
pergat, non extra, in eaque maneat nocte, si extra locum popula-
tum nox eam acceperit; hospitium etiam accipiat, tam in locis suo-
rum, quam hostium, in locis tutis; et faciet inventarium, cum per-
git in terram hostium, de his que secum defert, exprimens quale,
quantum, et cuius sit, et sigillatum de hoc instrumentum dimittat
iudici majori illius loci; et non fiat obuius amicis, inimicorum præ-
dam facere volentibus, si secum ipse deferat aliquos infideles ex
hostibus, ne per eos possit nuntari suis, ut caveant; neque debet
alfaqueque mercimoniis intendere, nisi in eis tantum mercibus, que
fuerint ad redemptionem captivorum, neque redemptum ob solutio-
nis pretii moram in domini potestatem reducat, quando terminus
solutioni non fuit perfixus, sed per tempus congruum solutionem
expectet, quousque redemptus solvere possit; quod si cum possit,
non solverit, reduci poterit, et idem quando dies præfixus fuit solu-
tioni: et si aliquod damnus pecuniarium captivo intulerit, solvet
cum triplo: si corporale damnus, similem pœnam non evadet; et
si malitiosè distulerit captivi redemptionem per aliquod tempus, tanto
tempore tenebitur in vinculis; si verò isti fideliter se gesserint in of-
ficio, sunt honorandi et præmiandi. Hoc dicit.

(1) *Al logar*. Limitatur ergo l. penult. suprâ, tit. 29. et l. fin. C.
eod. ut non procedat in redempto ab alfaqueque.

TITULO XXXI.

DE LOS ESTUDIOS, EN QUE SE APRENDEN LOS SABERES, E
DE LOS MAESTROS, E DE LOS ESCOLARES (a).

De como el Rey, e el Pueblo deuen amar, e guar-
dar la tierra en que bien, poblandola, e amparandola
de los enemigos, diximos assaz complidamente en los
titulos ante deste. E porque de los omes sabios, los
omes, e las tierras, e los Reynos se aprouechan, e se
guardan, e se guian (1) por el consejo dellos; e porende
queremos en la fin de esta Partida hablar de los Estu-
dios, e de los Maestros, e de los Escolares, que se tra-
bajan de amostrar e daprender los saberes. E diremos
primeramente que cosa es Estudio. E quantas maneras
son del: e por cuyo mandado deue ser fecho. E que
Maestros deuen ser, los que tienen las escuelas en los
Estudios; e en que lugar deuen ser establecidos; e que
privilegio, e que honra deuen auer los Maestros, e los
Escolares, que leen, e que aprenden cotidianamente.
E despues hablaremos de los Estacionarios, que tienen
los libros, e de todos los omes, e cosas que pertenes-
cen al Estudio general.

(a) Nota 3 a la L. 11, tit. 2, lib. 3; LL. 14 y 15, nota 4, tí-
tulo 18, lib. 6; L. 1, tit. 37, lib. 7; L. 1, tit. 6, lib. 8; L. 7, tí-
tulo 10, lib. 12 de la N. R.

Basta leer el epigrafe de este titulo para conocer que sus dis-
posiciones no tienen aplicacion alguna, habiendo sucedido a ellas
en diferentes épocas otras muchas disposiciones legales para la
organizacion y métodos de enseñanza segun los diversos ramos
que abraza la instruccion pública y particular. Actualmente rige
el Plan de estudios decretado por S. M. en 8 de julio de 1847, y
el Reglamento para su ejecucion decretado en la misma fecha.

TITULUS XXXI.

(1) *E se guian*. Per sapientes et scientificos mundus illuminatur,
et ignorantia est tenebra mundi; et ideo consilium debet haberi cum
sapientibus, authent. *habita*, et ibi Bald. column. 5. C. *ne filius pro*
patre.

LEY I.—Que cosa es Estudio, e quantas maneras son del, e por cuyo
mandado deue ser fecho.

Estudio es ayuntamiento de Maestros, e de Escolares,
que es fecho en algun lugar, con voluntad, e entendi-
mienta de aprender los saberes. E son dos maneras del.
La una es, a que dicen Estudio general, en que ay
Maestros de las Artes, assi como de Gramatica, e de la
Logica, e de Retorica, e de Arismetica, e de Geome-
tria, e de Astrologia (1): e otrosi en que ay Maestros de
Decretos, e Señores de Leyes. E este estudio deue ser
establecido por mandado del Papa, o de Emperador (2),
o del Rey. La segunda manera es, a que dicen Estudio
particular, que quiere tanto dezir, como quando algun
Maestro muestra en alguna Villa apartadamente a pocos
Escolares. E a tal como este pueden mandar fazer, Per-
lado (3), o Concejo de algun Lugar (4).

LEX I.—Duplex est studium, generale, et particulare: generale
dicitur, in quo sunt magistri artium liberalium, et doctores cano-
num, et legum; et hoc constituitur privilegio Papæ, vel Imperato-
ris, seu Regis: particulare est, in quo privatim ab aliquo magistro
certo loco docetur, quòd à Prælo, vel universitate loci constitui-
tur. Hoc dicit.

(1) *De Astrologia*. De theologia non dicit, sed sic supplendum est,
ut in cap. *quia nonnullis*, et cap. *super specula*, de *magist.* et cap.
2. de *privileg.* lib. 6. imò quod legatur ibi theologia et liberales artes,
et signum studii generalis, secundum Paul. et Cardin. in *Clement.*
dudum, vers. *ab olim*, de *sepult.* ubi Cardin. 13. quæst.

(2) *O de Emperador*. Nota de studio generali, et adde, quòd etiam
hoc jus studii generalis potest acquiri ex consuetudine longissima,
ut tradit Bart. in *proem. D. veteris*, § *hæc autem trin*, quem textum
vide, et studentes alibi non gaudebunt privilegiis, authent. *habita*,
et l. 2. infra, eod. ut notat Bald. in dict. authent. *habita*, 6. notabili.

(3) *Perlado*. Vide cap. 2. et cap. *quia nonnullis*, de *magist.*

(4) *De algun Lugar*. Et potest ad id statuere salarium magistris
liberalium artium, l. *ambitiosa*, D. de *decret. ab ordin. facien.*

LEY II.—En que lugar deue ser establecido el Estudio, e como
denen ser seguros los Maestros, e los Escolares.

De buen ayre (1), e de fermosas salidas (2), deue ser
la Villa, do quisieren establecer el Estudio, porque los
Maestros que muestran los saberes, e los Escolares que
los aprenden, biuan sanos en el, e puedan folgar, e
recibir plazer en la tarde, quando se leuantaren cansa-
dos del estudio. Otrosi deue ser abundada de pan, e
de vino, e de buenas posadas, en que pueden morar,
e pasar su tiempo sin gran costa. Otrosi dezimos, que
los Cibdadanos de aquel lugar, do fuere fecho el Estu-
dio, deuen mucho guardar, e honrrar a los Maestros,
e a los Escolares (3), e a todas sus cosas. E los mensa-
jeros que vienen a ellos de sus lugares, e non las deue
ninguno prender, nin embargar, por debda que sus pa-
dres deuiessen, ni los otros de las tierras donde ellos
fuessem naturales. E avn dezimos, que por enemistad,
nin por malquerencia, que algun ome ouiesse contra
los Escolares, o a sus padres, non les deuen fazer des-
honrra, nin tuerto, nin fuerça. E porende mandamos,
que los Maestros, e los Escolares, e sus mensajeros,
e todas sus cosas sean seguras, e atreguadas, en viniendo
a las Escuelas, e estando en ella, e yendo a sus tier-
ras. E esta seguridad les otorgamos, por todos los lo-
gares de nuestro Señorío. E qualquier que contra esto
fiziere, tomándole por fuerça, o robándole lo suyo,

deuengelo pechar quatro doblado; e si lo fririere, o
deshonrrare, o matare, deue ser escarmentado cruel-
mente, como ome que quebranta nuestra tregua, e
nuestra seguridad. Mas si por ventura los Judgadores,
ante quien fuesse fecha esta querrela, fuessen negligentes
en fazerles derecho, assi como sobredicho es, de
lo suyo lo deuen pechar, e ser echados de los officios,
por enfamados. E si maliciosamente se mouiessem con-
tra los Escolares non queriendo fazer justicia de los que
los deshonrrassen, e friessen, o matassen, estonce los
Oficiales que esto fiziessen, deuen ser escarmentados
por aluedrio del Rey.

LEX II.—Fundari debet studium generale in loco salubrem aerem
habenti, fertili, et honorum hospitiorum, ubi scholares hospitari
possint sine magna impensa; et à civibus talis loci servandi, et ho-
norandi sunt magistri, et scholares, et eorum nuntii, neque bona
eorum capi pro repræsentis, seu debitis eorum civium, unde sunt
scholares, possunt; et regia securitate isti debent gaudere, quam
securitatem fraudantes debent puniri; et iudices negligentes privan-
tur officis, et de suo solvunt damnus et pœnam, et si malitiosè dif-
ferant, arbitrio Regis puniuntur. Hoc dicit.

(1) *De buen ayre*. Evitanda est aeris intemperies, ut in cap. *quo-*
rumdam, 74. dist. et notat. Gloss. in cap. *tribus*, de *consecr.* dist. 1.
aeris salubritas est requirenda, cum naturalis vita per solubritatem
aeris servetur illæsa; et locus saluberrimus, ut Vegetius tradit, non
nebulosus, non pruinosus, regionesque cœli spectans, neque æstuo-
sus, neque frigidus, demum paludibus non vicinis: vide S. Thom.
de *regim. Princ.* lib. 2. cap. 2.

(2) *E de fermosas salidas*. Laudantur pulchri exitus civitatum.

(3) *E a los Escolares*. Adde authent. *habita*, C. *ne filius pro patre*.

LEY III.—Quantos Maestros deuen ser en el Estudio general, e a
que plazos deuen ser pagados sus salarios.

Para ser el Estudio general cumplido, quantas son las
sciencias, tantos deuen ser los Maestros que las mues-
tren, assi que cada vna dellas aya vn Maestro a lo me-
nos. Pero si para todas las sciencias non pudiessem auer
Maestro, abonda que aya de Gramatica, e de Logica, e
de Retorica, e de Leyes, e Decretos. E los salarios de
los Maestros deuen ser establecidos por el Rey, seña-
lando ciertamente, quanto aya cada vno, segund la
sciencia que mostrare, e segund que fuere sabidor de
ella. E aquel salario que ouieren de auer cada vno de-
llos, deuengelo pagar (1) en tres vezes (2). La vna parte,
les deuen dar luego que comencaren el estudio. La se-
gunda, por la Pascua de Resurreccion. La tercera, por
la fiesta de Sant Johan Bautista.

LEX III.—In studio generali debent esse magistri in qualibet
scientia, saltem in grammatica, logica, rethorica, et utroque iure;
et magistrorum salaria à Rege stantur, et prima pars salarii solvi
debet in principio studii, secunda in festo Resurrectionis, tertia in
festivitate Sancti Joannis Baptiste. Hoc dicit.

(1) *Deuengelo pagar*. De iure communi, vide Gloss. in cap. *ven-*
ientes, 1. quæst. 3. et Joan. de Plat. in l. *medicos*, C. de *profess. et*
medic. lib. 10. et Bald. in l. unic. C. de *suffrag.*

(2) *En tres vezes*. Nota tempora præfinita, in quibus solvi debent
salaria magistris, et doctoribus. Et non debet de salario doctoris
detrahi aliqua gabella, vel capi soldus, vide Joan. de Plat. in l. *me-*
dicos, C. de *profess. et medic.* lib. 10. et licet non solvatur salarium
doctoribus, non ex hoc possunt interdicti facere studium, vide Bald.
in l. 1. C. de *advocat. fisci*, et salariis doctorum debetur favor, sicut
causæ dotis, secundum Bald. in l. 1. column. penult. vers. *secundo*
collige, ff. *solutio matrim.* et ibi Bart. in fin.